

ယောဟန်

ပါးမှ ဒုတိယအကြိမ် ပီးစာ

နိဒါန်း

ယောဟန်ပါးမှ ပထမအကြိမ် ပီးစာ သည် ခရစ်တော် မွီးဖွားပြီးနောက် ၅၀ နှင့် ၁၀၀ ခုနှစ်ကြားတွင် တမန်တော် ယောဟန်က ရိုးသားခခြင်း ဖြစ်သည်။ ယောဟန်သည် မိမိကိုယ်ကို စာရီးဆရာအဖြစ် မသတ်မှတ်ဘဲ အသက်ကြီးသူဟု သုံးနှုန်းထားသည်။ ယောဟန်၏ ဒုတိယအကြိမ် ပီးစာ၏ အကြောင်းအရာသည် ယောဟန်ရိုးသားပြုစုထားသော ခရစ်တော်၏ သတင်းကောင်း၌ တွဲရသည့် အကြောင်းအရာနှင့် အနီးစပ်ဆုံး ဆင်တူသည်။ အချင်းချင်း ချစ်ကြရန်ဟူသော ယေသျှု၏ မိန့်မှာချက်ကို အလေးပီးပုံနှင့် ပညတ်တော်များကို လိုက်လျှောက်ခြင်းသည် ယေသျှုကို ချစ်ခြင်းနှင့်ညီမျှကြောင်း (၁.၅-၆; ယော ၁၅.၉-၁၀) တွင် သူက အထူးဖော်ပြထားပါသည်။ ယောဟန်သည် ဖောက်မြို့၌ နီထိုင်စဉ် ယောဟန် ရိုးသားပြုစုထားသော ခရစ်တော်၏ သတင်းကောင်းနှင့် သူ၏ ပထမအကြိမ် ပီးစာ၊ ဒုတိယအကြိမ် ပီးစာနှင့် တတိယအကြိမ် ပီးစာများကို ရိုးသားသည်ဟု ယုံကြည်ကြ၏။

ယောဟန်သည် ထိုပီးစာကို ရှိုးချယ်ထားသော မိန်းမ

နှင့် သူမ၏ သားသမီးများပါးသို့ ပီးပို့ခပါသည်။ သူသည် ဘုရားကျောင်းတစ်ခုကို ရည်ညွှန်းထားပုံ တူသည်။ ဤပီးစာကို ရိုးသားသော ယောဟန်၏ ရည်ရွယ်ချက်မှာ အသင်းတော်ကို အားပီးတိုက်တွန်းရန်နှင့် မှားယွင်းသော ဆရာများနှင့် ပတ်သတ်၍ ယုံကြည်သူများကို သတိပီးရန်ဖြစ်သည်။

အကြောင်းအရာ အကျဉ်းချုပ်

၁။ ယောဟန်သည် ဤပီးစာကို မည်သူ့အတွက် ဖြစ်သည်ကို လည်းကောင်း၊ လက်ခံသူများကို နှုတ်ဆက်ခြင်းအားဖြင့်လည်းကောင်း ပြောဆိုပြီး မိတ်ဆက်ထားခြင်း၊ (၁.၁-၃)

၂။ ထို့နောက်၊ သူသည် အသင်းတော်ကို အားပီးတိုက်တွန်းပြီး အကြီးမြတ်ဆုံးသော ပညတ်တော်နှင့် ပတ်သတ်၍ သူရို့အား သတိပီးခြင်း၊ (၁.၄-၆)

၃။ တဖန်၊ သူသည် မှားယွင်းသော ဆရာများနှင့်ပတ်သတ်၍ သူရို့အား သတိပီးခြင်း၊ (၁.၇-၁၁)

၄။ ယောဟန်သည် သူနီထိုင်ရာ အသင်းတော်၌ ဟံကြသော ယုံကြည်သူများမှ နှုတ်ဆက်စကားကို ပြောကြားခြင်းဖြင့် သူ၏ပီးစာကို နိဂုံးချုပ်ခြင်း၊ (၁.၁၂-၁၃)

¹ အသက်ကြီးသောသူပါးမှ —

စစ်မှန်သော မေတ္တာအားဖြင့် ငါရိုးကောက်ထားသော

ဂုဏ်အသရေဟိ မိန်းမနှင့် သူမ၏သားသမီးများ* ပါးသို့ စာရီးလိုက်ပါ၏။ သင်ရိုးအား ငါတစ်ယောက်တည်း ချစ်သည် မဟုတ်ဘဲ သမ္မာတရားကိုသိသော သူရို့သည်လည်း သင်ရိုးကို ချစ်ကြ၏။² အကြောင်းမူကား သမ္မာတရားသည် ငါရို့၌ တည်နိုင်၍ ငါရို့နှင့်အတူ ကာလအစဉ်အဆက် ဟိန်နိလိမ့်မည် ဖြစ်သောကြောင့် ဖြစ်၏။

³ ခမည်းတော်ဘုရားသခင်နှင့် သားတော် ယေသျှုခရစ်တော်ထံပါးမှ ကျေးဇူးတော်၊ ကရုဏာတော်နှင့် ငြိမ်သက်ခြင်းသည် သမ္မာတရားနှင့် ချစ်ခြင်းမေတ္တာကို အမှီပြုလျက် ငါရို့နှင့်အတူ တည်ပါစီသောဝံ။

သမ္မာတရားနှင့် ချစ်ခြင်းမေတ္တာ

⁴ သင်၏ သားသမီးတချို့သည် ငါရို့အား ခမည်းတော် ပညတ်တော်မူသည့် အတိုင်း သမ္မာတရား၌ အသက်ရှင်လိုက်လျှောက်နိုင်ကြကြောင်း တို့ရသဖြင့် ငါ အလွန်ဝမ်းမြောက်၏။

⁵ သို့ဖြစ်၍ ချစ်လှစွာသော ဂုဏ်အသရေဟိ မိန်းမ၊ ငါရို့ အားလုံး တစ်ယောက်ကိုတစ်ယောက် ချစ်ကြရန် သင့်အား ငါတောင်းပန်၏။ ဤသည်ကား ပညတ်အသစ်

* 1:1 ဂုဏ်အသရေဟိ မိန်းမနှင့် သူမ၏သားသမီးများ၊ ထိုအသင်းတော်များနှင့် အသင်းသားရို့ကို ရည်ညွှန်းခြင်း ဖြစ်နိုင်သည် (အခန်းငယ် ၄၊ ၅ တွင်လည်း)။ 1:5 ယော ၁၃:၃၄; ၁၅:၁၂,၁၇

မဟုတ်။ အစအဦးကပင်လျှင် ငါရို့၌ဟိသော ပညတ် ဖြစ်၏။

⁶ ငါ ပြော သည့် ချစ် ခြင်း မေတ္တာ ဆိုသည် မှာ ဘုရားသခင်၏ ပညတ် တော် များ ကို နာခံ ခြင်း ဖြင့် အသက်ရှင်ကြရမည် ဟူ၍ ဖြစ်၏။ ထိုပညတ်သည် ကား အစအဦးကပင်လျှင် သင်ရို့အားလုံး ကြားနာခရ သည့်အတိုင်း သင်ရို့အားလုံးသည် ချစ် ခြင်းမေတ္တာ၌ အသက်ရှင်ကြရမည် ဟူ၍ ဖြစ်၏။

⁷ လူ့ဇာတိကိုခံယူ၍ ယေသျှု ခရစ်တော် ကြွလာတော် မူသည်ကို လက်မခံသောသူ ဖြစ်သည့် များစွာသော လှည့်ဖြားသောသူရို့သည် ဤလောကထဲသို့ ရောက်နိုင် ယာ။ ထိုသို့သောသူသည် လှည့်ဖြားသောသူ၊ ခရစ်တော် ကို ဆန့်ကျင်သောသူဖြစ်၏။

⁸ သို့ဖြစ်၍ သင်ရို့သည် ငါရို့[†] လုပ်ဆောင်ခသော အရာ များကို မဆုံးယှုံးစီဘဲ သင်ရို့သည် အကျိုးကို အပြည့်အ ဝ ခံစားရကြရန် သတိပြုကြလော့။

⁹ ခရစ်တော်၏ သွန်သင်ချက်၌ မတည်ဘဲ ၎င်းကို ကျော်လွန်သောသူတိုင်းသည် ဘုရားသခင်ကို မရကြပေ။ ထိုသွန်သင်ချက်၌ တည်သောသူမူကား ခမည်းတော်ကို လည်းကောင်း၊ သားတော်ကိုလည်းကောင်း ရကြ၏။

¹⁰ ထိုတရားတော်ကို မသွန်သင်သောသူသည် သင်ရို့ပါး သို့ ရောက်လာလျှင် သင်ရို့အိမ်တွင် လက်မခံကတ်ကေ။

[†] 1:8 ငါရို့၊ တချို့သော မူရင်းကျမ်းများတွင် သင်၊ ဟု ဖော်ပြထားသည်။

သင်ရို့၌ “ငြိမ်သက်ခြင်း ဟိပါစီ” ဟု နှုတ်မဆက်ကတ်
ကော။

¹¹ အကြောင်းမူကား ထိုသူရို့ကို နှုတ်ဆက်သောသူ
သည် သူရို့၏ ဆိုးယုတ်မှု၌ အပေါင်းအပါဖြစ်၏။

နိဂုံးချုပ် စကား

¹² သင်ရို့အား ပြောစရာ များစွာဟိသော်လည်း ငါ
သည် စက္ကူနှင့် မှင်အားဖြင့် မရီးဘဲ ငါရို့၏ ဝမ်းမြောက်
ခြင်း ပြည့်ဝစုံလင်စီရန် ငါသည် သင်ရို့ ထံ ပါးသို့
အလည်အပတ်လာ၍ သင်ရို့နှင့် ကိုယ်တိုင်တို့ဆုံ ပြောဆို
ရန် မျှော်လင့်လျက် ဟိ၏။

¹³ သင်၏ ချစ်လှစွာသော နှမ၏ သားသမီးတိ †က သင့်
အား နှုတ်ဆက်လိုက်ကြ၏။

† 1:13 သင်၏ ချစ်လှစွာသော နှမ၏ သားသမီးတိ၊ ၎င်းသည်
စာရီးသူပါဝင်သော အသင်းတော်၏ အသင်းသားများကို ရည်ညွှန်းခြင်း
ဖြစ်နိုင်သည်။

ဓမ္မသစ်ကျမ်း ရခိုင်ဘာသာစကား

Rakhine: ဓမ္မသစ်ကျမ်း ရခိုင်ဘာသာစကား (Bible)

copyright © 2025 The Word for the World International

Language: ရခိုင် (Rakhine)

Contributor: The Word for the World International

ရခိုင် ဓမ္မသစ်ကျမ်း

The New Testament in Rakhine Language

The Word for the World

This translation is made available to you under the terms of the Creative Commons Attribution Share-Alike license 4.0.

You have permission to share and redistribute this Bible translation in any format and to make reasonable revisions and adaptations of this translation, provided that:

You include the above copyright and source information.

If you make any changes to the text, you must indicate that you did so in a way that makes it clear that the original licensor is not necessarily endorsing your changes.

If you redistribute this text, you must distribute your contributions under the same license as the original.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2025-06-27

PDF generated using Haiola and XeLaTeX on 27 Jun 2025 from source files dated 27 Jun 2025

51b0ff5f-817a-5607-b453-b9df7b3155f2